

րորդ նորին, երրորդն 'ի Հոռոմ առ ժողովն Կարտինալաց, և զմիւսն առ գեոսպանն Գաղղիոյ 'ի Կոստանդինուպօլիս, զորոց զպատճեն միոյն և եթ ունիմք 'ի ձեռին զոր և կարգեսցուք աստ 'ի ստորեւ: Պատճէն թղթոյն Գրիգորի առ գեոսպանն Գաղղիոյ:

Ամենաբարեպաշտի և Քրիստոսասիրի ծայրագոյն դեսպանի Ֆրանցայու ուղղափառ Արքայի, և պսակի պարծանաց ամենայն թագաւորաց գերազնիւ և քաջաշաւիղ հըրեշտակի Քաստելլայի. 'ի Տէր Գրիգոր վարդապետէ եւ Արքեպիսկոպոսէ և Պատրիարքէ սրբոյ քաղաքիս Երուսաղէմի, յոյժ սիրով ողջոյն եւ առաքելական օրհնութիւն յայտարարութեամբ:

Քանզի արդարեւ մեծ ստացաւ զպատիւ ճոխութեան աստուածատէր նախնին քո Վիլլանովայն, մինչ 'ի ժամանակի խռովութեան միջնորմ եղև խաղաղութեան 'ի մէջ մեր և Յունաց, եւ 'ի մշտնջենաւորս ստացաւ զմեզ աղօթողս վասն ինքեան, և արդարեւ իւրում արարելոյ խաղաղութեան զամենաբարեպաշտութիւնդ եթող յանձանցիչ և խնամածու եւ աւանդապահ, որ ոչ պակաս քան զնոյն ընդունելոց է աստուածասիրութիւնդ զգովութիւն և զաղօթս 'ի մէնջ՝ եթէ զխաղաղութիւնն զայն հաստատ պահիցէ. քանզի 'ի զրկել մեր յամենայնի յայլոց ազգաց, զիրաւունս գտանէաք 'ի Հռոմայեցւոցդ աստուածահաստատ թագաւորութենէ, որ այս եթէ յայլոց թագուն իցէ՝ 'ի խորհրդական ատենադպրէ ձերմէ 'ի Քերսոնարէ և 'ի նրբամիտ միւսիւ նարիէն չէ ծածուի:

Թէ որպէս 'ի ժամանակս լուսահոգի Պատրիարք եղբոր մերոյ՝ աղաչանօք մեր և նորա 'ի դուր շարժեցաւ զթած Կայսրն Ֆրանցայու՝ աղաչանօք գերապայծառ Իշխանաց իշխան Տեսառն մերում Կարտինալ Ֆլորիսայ՝ իցէ թէ եւ Աստուածասիրութիւնդ քաջ տեղեակ իցէ, մինչ էրն 'ի Վիրսալիս 'ի թագաւորական քաղաքի:

Արդ՝ որ մեք երբեմն զրկեալ յայլոց՝ առ զթած և իրաւարար թագաւորութիւն ձեր բողոքէաք, 'ի նարդեանս 'ի Ս. Քաղաքս 'ի սագրելոյ արքանեկացն բանասրիւոին, ոչ գիտեմք թէ վասն ո՞յր պատճառի առ 'ի զրկել դիտեալ լինիմք յոմանց 'ի ձերոցդ կարգաւորաց՝ զոր ոչ այլ իւրք: